

釋經
(二)

吳立民 主編
上海古籍出版社

威著

文庫



威音文庫
釋經
(二)

吳立民 主編
香港志蓮淨苑文化部 編

上海古籍出版社



圖書在版編目(CIP)數據

威音文庫·釋經/吳立民主編;香港志蓮淨苑文化部編.
上海:上海古籍出版社,2005.10
ISBN 7-5325-3852-4

I. 威... II. ①吳...②香... III. 佛經-解釋
IV. B94-51

中國版本圖書館 CIP 數據核字(2004)第 102431 號

威音文庫·釋經(全六冊)


吳立民 主編
香港志蓮淨苑文化部 編

責任編輯 劉景雲 袁欣瑜
美術設計 李哲民 張京春

出版發行 世紀出版集團
上海古籍出版社
(上海瑞金二路 272 號 郵政編碼 200020)
(1) 網址: www.guji.com.cn
(2) E-mail: guji1@guji.com.cn
(3) 易文網網址: www.ewen.cc

發行經銷 新華書店上海發行所
製版印刷 上海華成印刷裝幀有限公司
開本 1/32
印張 34
字數 540,000
印數 1—1,500
版次 2005 年 10 月第 1 版 2005 年 10 月第 1 次印刷
書號 ISBN 7-5325-3852-4/B·462
定價 110.00 元

如有質量問題,請與承印公司聯繫 62662100



目 錄

重印威音佛刊總序	1
出版說明	1
發刊辭	1

第一冊

心經釋義	1
大般若波羅密多經述要	21

第二冊


大般若波羅密多經述要別帙	149
大乘理趣六波羅密多經述要	282

第三冊

維摩詰所說經解題	339
法華經述要	364
解深密經述要	386
楞伽經述要(未完)	398

第四冊

圓覺經述要	477
-------------	-----



大般涅槃經述要.....	571
梵網經述要.....	596
優婆塞戒經述要.....	608


第五冊

無量壽經述要.....	655
觀無量壽佛經述要.....	714
阿彌陀經述要.....	732
鼓音聲王經述要.....	760
無量印法門經述要.....	768
般舟三昧經述要.....	795

第六冊

寶星陀羅尼經述要.....	819
金光明最勝王經述要.....	847
地藏本願經略釋.....	925
普賢十大願王略講.....	965
淨行品釋義.....	982

《威音文庫》總目錄



大般若波羅密多經述要別帙

我於般若波羅密，
重義輕文或爲病，
在昔十六勝會中，
九會金剛明觀照，
十會理趣明實相，
觀照實相既窮極，
得此二分真實義，
猶如畫龍破壁飛，
如斯要旨前未詳，
願諸菩薩勤奉此，

上來述要亦已竟。
大經片語未曾釋。
九十兩會斯最要。
般若空從不空顯。
般若不空從空顯。
空與不空亦俱深。
餘十四分均堪攝。
雙睛點處端在此。
二分靈文我當說。
即同廣轉六百軸。

大般若經第九會能斷金剛分序

唐西明寺沙門玄則撰

竊尋浩瀚其源者，必總靈怪之儲，紛糾其峯者，自動鬱冥之觀。況沖照倬存，逸韻遐舉，規真附體，紐玄立極。根大衍於初會，革小成於後心，蓄靈蘊福，信（哉）宜矣。故其承閑語要，三問桀其標，節理情塗，兩如肅其致。窮非想以布想，弘不濟之大勳，攝衆度以檀度，勵無行之廣德。願侔曦日，格虛空而未量，信異隨風，汎聲香而不住。忘法身於相好，豈見如來，分刹土於微塵，誰爲世界。河沙數非多之多福，山王比非大之大身。法性絕言，謂有說而便謗，菩提離取，知無授而乃成。皆所以拂靄疑津，剪萌心逕，賞觸類而不極，恪緣情而必盡。然金剛之銳，償二物之可銷，對除之猛，雖一念其無罣。詞必舉凡，故率言每約，理好鈎蹟，故屬意多迷。前聖由之著論，後賢所以殷學，非直有緣震旦，實亦見重昌期。廣略二本，前後五譯，無新無故，逾鍊逾明。然經卷所在，則爲有佛，故受持之跡，其驗若神，傳之物聽，具如別錄。爾其刷蕩二邊，彰明九觀，雲飄絲鬢，愁含變滅之影，電轉珠目，榮遷倏忽之光。星夜遍而曉落，則邪見難保，露陰泫而陽晞，則色蘊方促。以有爲之若此，加無相之如彼，寧不荷付囑之遙恩，躬受行之美證矣。

第九能斷金剛分

〔釋〕此分自云：今此法門，名爲《能斷金剛般若波羅密多》。蓋此分詮觀照般若之極致，即以般若之用爲綱宗，故名爲能斷金剛也。金剛原具極堅極利二義，何謂極堅，無物可能壞之，何謂極利，以能碎壞諸物也。若有一物能壞，即非極堅，一物不碎，即非極利。如銀鐵雖堅，遇火則融，刀劍雖利，斫石則缺，非極堅利也。般若亦具堅利之義，堅則實相般若，以其雖經多劫流迸六道，而覺性無壞，未嘗生滅，未嘗虧缺，故云堅也。利則觀照般若，謂此慧顯時，照諸法空，煩惱諸結，無明惑暗，無不斷壞，故云利也。由斯二義似彼金剛，故舉金剛之堅，喻般若體，金剛之利，喻般若用，但此分別詮觀照，於般若之用特重，故不徒以金剛爲名，而更以能斷二字冠之於首。

此分專爲發趣菩薩乘者而說，自分首善現所問，直至分末如來所示，均以發趣菩薩乘爲言。故如是法門，不可思議，不可稱量，非彼聲聞緣覺諸乘所能及也。試以能斷言之，彼聲聞緣覺諸乘，既有所斷，亦有能斷，但所斷者較麤，則能斷者自較劣耳。若發趣菩薩乘者，其在資糧位，加行位，已證三空，得無生法忍，至通達位，初地菩薩，得分證真如，尚餘俱生我執，至八地捨藏，尚

餘俱生法執，此二種執，各有微細所知愚，極微細所知愚，至等覺位方斷，所以斷之者，唯有甚深金剛如幻三昧，足為對治之法。初地所得，二地破之，二地所得，三地破之，地地增進，至等覺位，即無可破，所謂金剛道後異熟空者，即此義也。明乎此，於此分「能斷金剛」之名，當益知其深妙而切要矣。分中善現尊者，聞法威力，至於悲泣墮淚，歎未曾聞，我輩初心，幸亦遇此，宜如何尊重信受乎。

〔經〕如是我聞，一時，薄伽梵在室羅筏，住誓多林給孤獨園，與大苾芻衆千二百五十人俱。

〔釋〕此通序也。於此序中有六種成就，如是，信成就也。我聞，聞成就也。一時，時成就也。薄伽梵，主成就也。在室羅筏，住誓多林給孤獨園，處成就也。與大苾芻衆千二百五十人俱，衆成就也。

〔經〕爾時世尊於日初分，整理裳服，執持衣鉢，入室羅筏大城乞食。時薄伽梵於其城中行乞食已，出還本處，飯食訖，收衣鉢，洗足已。於食後時，敷如常座，結跏趺坐，端身正願，住對而念。時諸苾芻來詣佛所，到已，頂禮世尊雙足，右繞三匝，退坐一面，具壽善現亦於

如是衆會中坐。

〔釋〕此別序也。我佛說法，常先放光，今說此經甚深微妙，乃無放光之舉，何哉？蓋佛顯平等智故，即於平等放光而衆不察也。自其整理裳服，執持衣鉢，至於端身正願，住對而念，一一威儀，一一進止，即其一一身分悉在放光也。

於此序中示六度無相法門，即示甚深般若。入城乞食，首彰布施一度，所以作人天福田，亦所以教衆生布施，著衣持鉢以彰其戒，次第行乞以彰其忍，足不染塵而又洗足以彰精進，還至本處敷座而坐以彰禪定，食時乞食，乞已還園，飯訖收鉢，食後端坐，隨緣放曠，不住於相，又莫非真如般若之所彰也。夫度雖有六，實攝於一，此六度無相法門，即一甚深般若也。然則於此序中，已示甚深般若竟，固無庸更假言說，有上根利智者，當於此暗明心要，即得金剛如幻三昧而登彼岸矣。蓋此乃真般若用也，乃真觀照般若之顯發處也，此分所示，以此段爲最親切，學者宜三致意焉。

〔經〕爾時衆中具壽善現從座而起，偏袒一肩，右膝著地，合掌恭敬，而自佛言：希有世尊，乃至如來應正等覺，能以最勝攝受，攝受諸菩薩摩訶薩，乃至如來應正等

覺，能以最勝付囑，付囑諸菩薩摩訶薩。世尊，諸有發趣菩薩乘者，應云何住？云何修行？云何攝伏其心？作是語已。

爾時世尊告具壽善現曰：善哉善哉，善現，如是如是。如汝所說，乃至如來應正等覺，能以最勝攝受，攝受諸菩薩摩訶薩，乃至如來應正等覺，能以最勝付囑，付囑諸菩薩摩訶薩。是故善現，汝應諦聽，極善作意，吾當爲汝分別解說，諸有發趣菩薩乘者，應如是住，如是修行，如是攝伏其心。

具壽善現白佛言：如是，世尊，願樂欲聞。

〔釋〕自此已下乃正宗分也。此段善現啓請，世尊許說，原屬開端，無關宏旨。然當注意善現所問，蓋全分總綱，實繫於此。所問爲何？乃般若用，用中分三，即諸有發趣菩薩乘者，應云何住、云何修行、云何攝伏其心是也。試表以明之：

云何住——用中之體

云何修行——用中之相

云何攝伏其心——用中之用

〔經〕佛言：善現，諸有發趣菩薩乘者，應當發起如是之心，所有諸有情，有情攝所攝，若卵生、若胎生、若溼

生、若化生、若有色、若無色、若有想、若無想、若非有想非無想，乃至有情界施設所施設，如是一切，我當皆令於無餘依妙涅槃界而般涅槃。雖度如是無量有情，令滅度已，而無有情得滅度者。何以故？善現，若諸菩薩摩訶薩有情想轉，不應說名菩薩摩訶薩。所以者何？善現，若諸菩薩摩訶薩，不應說言有情想轉，如是命者想，士夫想，補特伽羅想，意生想，摩納婆想，作者想，受者想轉，當知亦爾。何以故？善現，無有少法名為發趣菩薩乘者。

復次，善現，菩薩摩訶薩，不住於事，應行布施；都無所住，應行布施；不住於色，應行布施；不住聲香味觸法，應行布施。善現，如是菩薩摩訶薩，如不住相想，應行布施，何以故？善現，若菩薩摩訶薩，都無所住而行布施，其福德聚不可取量。

佛告善現：於汝意云何？東方虛空可取量不？

善現答言：不也，世尊。

善現，如是南西北方，四維上下，周遍十方，一切世界虛空，可取量不？

善現答言：不也，世尊。

佛言：善現，如是如是。若菩薩摩訶薩都無所住而行布施，其福德聚不可取量，亦復如是。善現，菩薩如是如不住相想，應行布施。

佛告善現：於汝意云何？可以諸相具足觀如來不？

善現答言：不也，世尊。不應以諸相具足觀於如來。何以故？如來說諸相具足，即非諸相具足。說是語已。

佛復告具壽善現言：善現，乃至諸相具足，皆是虛妄，乃至非相具足，皆非虛妄，如是以相非相應觀如來。說是語已。

〔釋〕此段世尊正答善現所問。自此以下，文義重複，次第莫辨，昔無著菩薩分之爲十八住，世親菩薩又析之爲二十七斷疑。當時所說，即有不同，循彼分析，意亦不顯，泥而執之，徒掩經旨，今惟述其梗概而已。

（甲）無著菩薩十八住說

第一住——發心——配十住發心等位

經言諸有發趣菩薩乘者，應當發起如是之心等。

第二住——波羅密相應行——配十行位中前六行位

經言菩薩摩訶薩不住於事應行布施等。

第三住——欲得色身——配七行位

經言可以諸相具足觀如來不等。

第四住——欲得法身——配八行九行十行位

經言頗有有情於當來世聞說是經生實想不等。

第五住——於修道得勝中無慢——配初迴向位

經言諸預流者頗作是念我能證得預流果不等。

第六住——不離佛出時——配二迴向位

經言如來昔在然燈佛所，頗於少法有所取不等。

第七住——願淨佛土——配三迴向位

經言若有菩薩作如是言，我當成辦佛土莊嚴等。

第八住——成熟衆生——配四迴向位

經言如有士夫具身大身等。

第九住——遠離隨順外論散亂——配五迴向位

經言乃至殑伽河中所有沙數等。

第十住——色及衆生身搏取中觀破相應行——配六迴向位

經言乃至三千大千世界大地微塵寧爲多不等。

第十一住——供養給侍如來——配七迴向位

經言應以三十二相觀如來不等。

第十二住——遠離利養及疲乏熱惱故不起精進及退失等——配八迴向位

經言若有善男子善女人捨施殑伽河沙等自體等。

第十三住——忍苦——配九迴向位

經言如來說忍辱波羅密多等。

第十四住——離寂靜味——配十迴向位

經言若善男子或善女人於此法門受持讀誦等。

第十五住——於證道時遠離喜動——配四加行位

經言諸有發趣菩薩乘者應云何住等。

第十六住——求教授——配世第一地

經言如來昔於然燈佛所頗有少法等。

第十七住——證道——配初地

經言譬如士夫具身大身等。

第十八住——上求佛地——配二地至佛位

經言若諸菩薩作如是言我當成辦佛土莊嚴等
至經末。

(乙) 世親菩薩二十七斷疑說

1. 斷求佛行施住相疑

經言可以諸相具足觀如來不等。

2. 斷因果俱深無信疑

經言頗有有情於當來世聞說是經生實想不等。

3. 斷無相云何得說疑

經言頗有少法如來證得阿耨多羅三藐三菩提
耶等。

4. 斷聲聞得果是取疑

經言諸預流者頗作是念我能證得預流果不等。

5. 斷釋迦然燈取說疑

經言如來昔在然燈佛所頗於少法有所取不等。

6. 斷嚴土違於不取疑

經言若有菩薩作如是言我當成辦佛土莊嚴等。

7. 斷受得報身有敗疑

經言如有士夫具身大身等。

8. 斷持說未脫苦果疑

經言如來說忍辱波羅密多等。

9. 斷能證無體非因疑

經言如來是實語者諦語者如語者不異語者等。

10. 斷真如有得無得疑

經言譬如士夫人於閨室都無所見等。

11. 斷住修降伏是我疑

經言諸有發趣菩薩乘者應云何住云何修行云何攝伏其心等。

12. 斷佛因是有菩薩疑

經言如來昔於然燈佛所頗有少法能證菩提不等。

13. 斷無因則無佛法疑

經言如來者即是真實真如增語等。

14. 斷無人度生嚴土疑

經言若諸菩薩作如是言我當滅度無量有情等。



15. 斷諸佛不見諸法疑
經言如來等現有肉眼不等。
16. 斷福德例心顛倒疑
經言若善男子或善女人以七寶奉施如來等。
17. 斷無爲何有相好疑
經言可以色身圓實觀如來不等。
18. 斷無身何以說法疑
經言如來頗作是念我當有所說法耶等。
19. 斷無法如何修證疑
經言頗有少法如來現證菩提耶等。
20. 斷所說無記非因疑
經言若善男子或善女人集七寶聚持用布施等。
21. 斷平等云何度生疑
經言如來頗作是念我當度脫諸有情耶等。
22. 斷以相比知真佛疑
經言可以諸相具足觀如來不等。
23. 斷佛果非關福相疑
經言如來以諸相具足現證無上正等覺耶等。
24. 斷化身出現受福疑
經言若有說言如來若去若來若住若坐若卧等。
25. 斷法身化身一異疑
經言若善男子或善女人以無數世界色像爲墨